

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj: KZ 99/19

Sarajevo, 19. 08. 2019. godine

Na osnovu člana 69. stav 2. tačka e) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 99/19 od 01.08.2018. godine, u postupku javne nabavke br. KZ 99/19 „**Servis Netzch pumpi**“ donosi se :

ODLUKA
o poništenju postupka javne nabavke

Član 1.

Poništava se postupak javne nabavke broj KZ 99/19 za nabavku usluga : „**Servis Netzch pumpi**“ iz razloga što su cijene svih prihvatljivih ponuda znatno više od osiguranih sredstava za predmetnu nabavku a sve u skladu sa odredbama člana 69. stav 2. tačka e) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 99/19 od 01.07.2019.godine.

Javna nabavka je provedena putem konkurentskog zahtjeva za dostavu ponuda.
Procijenjena vrijednost javne nabavke bez PDV-a iznosi : 20.000,00 KM.

Obavještenje o nabavci broj: 247-7-2-134-3-226/19 poslato je na objavljivanje na Portal javnih nabavki dana 05.07.2019.godine.

Komisija za javnu nabavku, imenovana je Rješenjem br. 21-01-01/19 od 21.01.2019 godine, Odlukom o izmjeni Rješenja o imenovanju komisije za javne nabavke broj 02-04/19 od 02.04.2019. godine i dopunskim Rješenjem članova komisije br. KZ 99/19-1 od 01.07.2019. godine.

Komisija za javnu nabavku dostavila je dana 13.08.2019.g. Preporuku o poništenju postupka javne nabavke usluga : „**Servis Netzch pumpi**“- tender broj KZ 99/19

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 1 (jedna) ponuda – „DIT“ d.o.o. Tuzla
- Da je blagovremeno zaprimljena : 1 (jedna) ponuda – „DIT“ d.o.o. Tuzla
- Da dostavljena ponuda ponuđača „DIT“ d.o.o. Tuzla, ispunjava zahtjevane tenderske uslove prema obliku i potpunosti u smislu pripreme ponuda.

Daljim pregledom ove ponude koja je zadovoljila uslove u formalnom smislu, Komisija za javne nabavke je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

| RB | Zahtjevana kvalifikaciona dokumentacija | Ponuđač: „DIT“ d.o.o. Tuzla |
|-----------|---|--|
| 1. | Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. | Da |
| 2. | Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude | Da |

Komisija konstatuje da ponuđač. „DIT“ d.o.o. Tuzla ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevane dokumentacije/aneksa-priloga, konstatovano je sljedeće:

| RB | Ostala zahtjevana dokumentacija/aneksi-prilozi | Ponuđač: „DIT“ d.o.o. Tuzla |
|-----------|---|--|
| 1. | Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5. | Da |
| 2. | Obrazac za ponudu – Aneks II; Prilog 1. | Da |
| 2.1 | Popis dokumenata uz ponudu koji čini sadržaj ponude – Aneks II, Prilog 1. | Da |
| 3. | Obrazac za cijenu ponude – Aneks III; Prilog 2. | Da |
| 4. | Povjerljive informacije – Prilog 5. | Da |
| 5. | Nacrt okvirnog sporazuma – Prilog 6. | Da |
| 6. | Nacrt ugovora o javnoj nabavci – Prilog 7. | Da |

Daljim pregledom ponude sa aspekta postavljenih tenderskih uslova iz opisa predmeta nabavke i tehničke specifikacije, od strane stručnih lica za predmetnu nabavku konstatovano je da ponuda ponuđača „DIT“ d.o.o. Tuzla, ispunjava sve postavljene tenderske zahtjeve u pogledu opisa predmeta nabavke i zahtjeve iz tehničke specifikacije.

Komisija je dalje konstatovala da cijena ponude ponuđača „DIT“ d.o.o. Tuzla iznosi: 24.750,00 bez PDV-a, dok procijenjena vrijednost za predmetnu nabavku iznosi: 20.000,00 KM bez PDV-a. Utvrđeno je da vrijednost ponude ponuđača „DIT“ d.o.o. Tuzla premašuje procijenjenu vrijednost za iznos od 4.750,00 KM odnosno 23,75 %.

Obzirom da je cijena jedine prihvatljive ponude znatno veća od osiguranih sredstava za predmetnu nabavku, Komisija za javnu nabavku konstatuje da su ispunjeni zakonski uslovi iz člana 69. stav (2)., tačka e) Zakona o javnim nabavkama („Službeni glasnik BiH“, br. 39/14 od 19.05.2014.godine) za poništenje postupka javne nabavke.

Iz gore navedenih razloga, primjenom člana 69. stav 2. tačka e) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-Ponuđačima
-a/a



d. Direktor

Enver Hadžiahmetović, dipl.ing.maš.